

- **Enformaziuns en cört dal consei pastoral** (sontada dai 15.09.2016): por les **nozes** dess i nüc se damané le mone diretamonter pa Barbara y por ci co reverda i ciöf baié con Gemma; al ven recordé che vigne domegna do messa él la poscibilité da **aposté messes** pa en member dal consei, te calogna bas ete; en domegna **ai 9 d'otober** vegnel organisé adöm ala ploania d'Al Plan en **pelegrinaje a Weissenstein**; al gnará ciamó lascé alessei plü avisa; l'Unité Pastoral Val Badia met da jí dai 17 ai 23 de otober na **"Edema dla fede"**; le program ven ciamó lascé alessei; ai **14 de má 2017** sarál a La Pli la festa dla **Pröma Santa Comuniun** y ai **21 de má 2017** la festa dla **Confermaziun** (sig. Ulrich Fistill); Al é gnü fat fora che an dess vigne iade loé sö empé a perié les **Anmaries**.

- **Joneza: lites** dal consei por i proscimi 2 agn. La zetola de lita pón dé jö dai 19 de setember cina ai 3 d'otober te na scatora, motüda fora te dlijia (alté dal Rosare) o tla ostaria Sotru. La **sontada generala** gnará tignida en **vendres ai 7 d'otober** ales 20:00 te Ciasa dles Uniuns con dedo spaghetada. Döta la joneza è der bel enviada!
- **Avis:** en domegna **ai 25 de setember** domisdé, en ocasiun de na endünada dai Stödafüs d'La Pli con i Stödafüs dla Alta Val de Puster, i gnarál ince mostré y cunté sora la dlijia d'La Pli. Al gnará ince mostré la gran marora co gnará ince sonada.

1 enformaziuns y termins

Uniun dai Ei: le comité dla Uniun dai Ei dal decanat Val Badia envieia düc i ei y i jogn en vendres ai 30 de setember ales 19:30 a tó pert ala prozesciun con linternes da San Linert sö Oies. Sc'i sun trec diventel por düc na bela esperionza de fede.

Cianté a Santa Maria: le "Südtiroler Volksmusikkreis Pustertal" envieia en Segra dal Rosare ai 2 d'otober ales 17:00 tla dlijia da San Martin al cianté a Santa Maria con le Cuartet „Göma“, le Trio „A per sorëdl“, le Cuartet de Tlarinec da La Val, Jasmin Rives con l'erpa y la Familia Oberhöller da San Laronz. I tesç meditatifs gnará portés dant da signor Iaco Ploner.

Pelegrinaje: l'uniun dles porsones vedoes y sores dla Val Badia envieia en jöbia ai 6 d'otober a n pelegrinaje a Absam. Le bus peia ia da La Pli ales 7:40, da Longega ales 8:00; ales 11:00 gnarál zebré tla dlijia de Santa Maria na santa messa. lade, marena y picia marena costa 54,00 €. Al é da s'anunzié dan dai 3 d'otober pa Maria de Ierghete ☎ 0474 501322 o pa Monica da Lungiarü ☎ 0474 590069.

De dai Seniors: la Ciasa de Palsa Ojöp Freinademetz envieia düc ala festa por le "De dai Seniors". I s'aspetun en sabeda ai 1 d'otober. Ales 15:30 gnarál zebré na santa messa y dedô stunse adöm pa musiga, val da bere y val de duc. La Ciasa de Palsa chir renforz por le grup dai voluntars: ei y eres de vigne eté co á ligreza da se dé jö con jont atompada. Por informaziuns ☎ 0474 524700.

Döt le bun a:	Jan Taibon, San Laronz	* 26.09.1933
	Jep Willeit	* 01.10.1935
	Rosa Rindler ved. Trebo	* 01.10.1936
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastoral.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastoral.org

Ann C

25.09.2016 - 26. domegna ia por l'ann

n. 44

Le püre Lazarus aldedaencö

📖 Am 6, 1a.4-7 | 1 Tim 6, 11-16 | Lc 16, 19-31

Dal Vangelo do San Lüca:

Te chel tomp á Gejú dit: ¹⁹Al ea n iade n el rich, co se iestia de purpur y lin fin y viea da dé a dé, s'la godea y s'la dea bona. ²⁰Mo dan la porta dal ricun él ponü n püre el, co â ennom Lázarus, dal corp plen de plaies. ²¹Al s'ess ienn paré la fan con ci co tomâ jö de mesa dal ricun. Cinamai i cians gnea a ti leché söes plaies. ²²Do che le püre ea mort, él gnü porté dai angeli tal gremo de Ábraham. Ince le rich é mort y é gnü sopolí. ²³Tal somonn olach'al gnea tormenté da n gran dolor, ál ciaré sö y odea dalunc Ábraham, y Lázarus te so gremo. ²⁴Danló ál scraié: Pere Ábraham, menete picé de mé, y ortieia Lázarus jö da mé; al dess almanco tocé la piza de so deit t'ega y mo renfresché la lenga, deache cösc fü mo ticheneia. ²⁵Ábraham ti á respognü: Mio möt, ponsa do, che t'as belo dertan töa vita ciagé töa pert de begn, Lázarus endere ma de stlet. Sen vegnel consolé por chel, tö endere messes patí. [...]

I ponsun do


Lazarus é ince ciamó encö dan la porta dai ric. Lazarus – chel é popui entiers manacés dla fan co ciara sön mesa dai ric. Ponsunse nos veramonter ch'al sii orenté de Chelbeldio sc'al é ric y püri? Minunse nos veramonter ch'i anse le dert da avei deplü co d'atri? Le monn podess ester atramonter sc'i metesson man da dubité che la partiziun te rich y püre corespogn al'orenté de Chelbeldio.

I periu

Beldio, nos án debojügn de te. Nos ne podun nia se salvé enstesc. Daür nüsc cörs, por ch'i reconesciunse to plann de salveza por nos y por dötes les creatöres. Daür nostes mans, por ch'i podunse con nosc comportamont ester d'ütl a cösc plan. Por Crist, nosc Signur.

Wilhelm Egger "Sonntagsbibel"

📖 **Letöres dla Segra dal Rosare:**
St. Ap 1, 12-14 | Gal. 4, 4-7 | Lc 1, 26-38



Edema liturgica dai 25.09. ai 02.10.2016

DOM 25. 08:30 10:00	26. domegna ia por l'ann gran messa por dōta la ploania s.m. a Al Plan	<i>Claus da Flüe, Gottfried, Sergio</i> <i>oferta por i debojügn dla ploania</i>
Lön 26. 07:30	<i>Cosmas y Damian, Eugenia</i> s.m. a Al Plan	
Ded 27. 07:30	<i>Vinzenz de Paul, Hiltrud, Dietrich</i> s.m. por vis y +ti dles families Rovara, Arot s.m. por les Püres Animes	
Dem 28. 18:00	<i>Wenzel, Lioba, Lorenzo Ruiz y compagns</i> s.m. a Al Plan	
Jöb 29. 19:30	fiesta dai Sanc Arcangeli Michiel, Gabriel y Rafael, Jan s.m. por fam. Lukas y Barbara Taibon, La Pli s.m. por +ti Sandro y Clementina Winkler y Judita Elliscases s.m. por +ti Heinrich y Lois Erlacher, Tomele	
Ven 30. 07:10	<i>Iarone, Viktor, Sophie</i> s.m. a Al Plan	
Sab 01. 07:30 13:00 18:00	<i>Tarejia dal Bambin Gejú (da Lisieux), Roman, Remigio, Werner</i> s.m. por fam. Andrea y Erica Daverda, Corterei s.m. d'aniversar por + Anna Pedevilla, Terza s.m. da noza por i nüc Ivan Ellecosta y Monika Brunner s.m. prefestia a Al Plan	
DOM 02. 08:30 14:00 10:00	SEGRA DAL ROSARE gran messa ciantada en onú de Santa Maria por dōta la ploania espi da festa y prozesciun en onú de Santa Maria fora Brach s.m. a Al Plan	<i>Sanc Angeli Custodi, Hermann, Jakob</i> <i>oferta por i debojügn dla ploania</i>
<i>ampola:</i>	por fam. Andrea y Erica Daverda, Corterei	
<i>ministronc:</i>	▶ da doman y domegna: Emilie Rigo y Angela Santolini ▶ da sera y domegna: Jan Burchia y Pire Ellecosta	
<i>i recordun:</i>	Emma Erardi, Desproch Anna Obermair, Leifers Anna Pedevilla	+ 25.09.2008 + 28.09.2015 + 30.09.2012

Le Credo cunté ai mituns (6)



Gejú Crist ... nasciü, tres le Spirit Sant, dla Vergine Maria

Geju á vit dan da apresciapüch duimile agn tla Palestina. El ea der straordinar: önn de nos, deach'al é desco nos nasciü da na era y tal medemo tomp aldel pa Chelbeldio, deache so meterman é te Dio. Te Gejú tol Chelbeldio enstes part ala storia dl'umanité. Al se fej picio y se met te nostes mans. Al ven persona desco nos. Te Gejú s'azica ci y tera. Cösc é deplü de ci che nos porsones sun bones da fá. Al é val de grandius, i cösc festejense con la festa de Nadé.

▲▲ Brixner Theologische Kurse

Die Brixner Theologischen Kurse verstehen sich als ein Angebot für alle, die sich für das weite Spektrum von Theologie interessieren und alle, die in den verschiedenen pastoralen Diensten in den Pfarrgemeinden mitarbeiten bzw. mitarbeiten möchten. Die Kurse vermitteln ein solides theologisches Grundwissen und Qualifikation für verschiedene Dienste in Verkündigung, Gottesdienst, Gemeindepastoral und Caritas.

Dauer und Ort: die Kurse sind dreijährig und finden in den Räumen der Phil.-Theol. Hochschule jeweils an 11 Samstagen und einer Studienwoche Ende Juni statt. Die Vorlesungen beginnen um 8:30 Uhr und enden um 17:00 Uhr. Die Anmeldungen laufen bis Ende Oktober. Program und Termine: www.hochschulebrixen.it

In Jahr 2016/17 wird der **Grundkurs** und der **Aufbaukurs II** angeboten.

Unter dem Namen „**Brixner Theologische KursePlus**“ wird im Studienjahr 2016/17 ein Kurs zur **Leitung von Wort-Gottes-Feiern** angeboten, 8 Samstage und eine Studienwoche Ende Juni.

Informationen und Einschreibungen: Dekanat der Phil.-Theol. Hochschule Brixen
☎ 0472 271121 – ✉ paola@hs-itb.it

📖 Funziuns liturgiches sö La Crusc

Jöbia ai 29 de setember, SS. Arcangeli Michil, Gabriel y Rafael:
ales 07:30 prozesciun da San Linert sö La Crusc, ales 09:30 santa messa.



Vita de ploania y de paisc



«**Sc'i s'orun bun önn al ater, romagn Idio te nos, y so amur é te nos perfet.**» (1 Jan 4, 12b)

La ploania i fej les miús aodanzas de benedisciun y fortuna ai nüc **Ivan Ellecosta y Monika Brunner** co se dá adöm tal sacramont dal matrimone en sabeda ai 1 de otober a La Pli.



«**Signur, confermeia söa empormetüda d'amur önn por l'ater.**»

La ploania i fej les miús aodanzas de benedisciun y fortuna ai nüc **Irene Mutschlechner y Schiner Matthias** co se dá adöm tal sacramont dal matrimone en sabeda ai 1 de otober ete n Pfunders.